

գուտ Ահեղեցւոյ և միանգամայն նպաստել և մասնակցիլ ազգային մանկուոյն բազմարազ կրթութեան և դաստիարակութեան մշտնջենաւոր բարերարութեամբ: Աւստի քաղցր պարտիք կզգամք հրապարակաւ խորին շնորհակալեաց և յարգանաց հաւաստիքը նուիրել **Նորին Մեծապատուութեան:**

ԲԱՐՁՐ ԱՐԳԱՅԱԶՈՒՆ ԷՇՐԷՖ—ՎԱԼԷԱ ԽԱՆ:

Արքայազուն մեծ գուքս բարձրապատիւ Լշըէֆ-Վալէա Խան՝ եղբայր Օգոստ. թագաւորին Պարսից՝ որ կը վերադառնայր ի Պօլսոյ երթալ ի հայրենիսն, անցեալ ամսոյ ի 28-ն յաւուր Աիւրակէի Նըւանէն յատկապէս եկաւ յայցելութիւն Սըրբազնագոյն Հայրապետիս՝ ուղեկցութեամբ վսեմ. Արմալին նահանգապետին Նըւանայ և այլոց, և արժանաւոր և սիրալիր մեծարանօք և պատուովք ընդունվեցաւ ի կողմանէ Վ. հ. Վաթոդէկոսի:

Նորին Բարձրապ. Մեծութիւնը հաճեց այցելել և տեսնել Մայր Աթոռոյս հնութիւնքը, Մատենադարանը, Աւսումնարանը և Տպարանը, և ապա ճաշեց ի սեղան Վ. հ. հափառի ընդ բարձրաստիճան ուղեկիցս իւր, և խորին և սրտագին շնորհակալութեամբք և համակրութեամբք ընդ երեկս վերադարձաւ յԱրևան, որ հետեւեալ օր պիտի ուղևորէր ի Թէհրան:

Ի Պօլսոյ ցթէհրան ուղեկից էր Նորին Մեծութեան Ա. Պօլսոյ Պարսից Գեոպանատան առաջին խորհրդական և թարգման Պ. Միրզա Բիզա Խանն:

ՍՈՎ. Ի ՍՊԱՀԱՆ

Վթութիւն և օգնութիւն կը հայցեն և կաղաղակեն մեր Սպահանաբնակ սիրելի և դժբաղտ ազգայինք յերեսաց մահասփիւռ սովոյն:

Այր ազգային, որ առաքինասէր և բարեպաշտ սիրտ կը հանդուրժէ ոչ լսել և անտարբեր մնալ եղբարց ողորմելի և թըշուառ վիճակին, եղբարց՝ որք յետ տոգորելոյ հետախտիւք և կորուսանելոյ ոմանց զսիրելիսն՝ այժմ աւուր պարենի կարօտ մնացած՝ կը հեծեն զառնապէս, եղբարց՝ որոց բազմաց ընտանիք՝ որդիք և զաւակունք և թօթովախօս մանկունք հեկեկանօք և թախանձանօք գէթ ջոր հաց կը խնդրեն ի ծնողաց, և ի փոխարէնն՝ աղի արտասուք և ալիսարշ և սրտաճմլիկ մորմոքմունք և եթ կը պատասխանեն, եղբարց կ'ասեմք՝ որք՝ ոչ սովամահ կորնչելոյ վտանգաց և տառապանաց մէջ ոգի ի բռին կը տազնապին և կը հալին, այժմ նոքա յոյս առ Աստուած ուղղած և ապաւինած՝ նոյնպէս հեռաւոր և մերձաւոր ազգակից եղբարց անհրաժեշտ և վաղընդփոյթ կարեկցութեանց և նիւթական ձեռնտուութեանց ակնդէտ և անհամբեր անձկանօք մեծապէս կը կարօտին: Աւստի Հայեր՝ Հայեր փութացէք այն թշուառ ողորմելեաց անձնիւր ազգային ըստ կարեացն և ըստ ազգակցական և եղբայրսիրական պարտաւորութեանց ձեռն օգնութեան և փրկութեան կարկառել, և մխիթարելով զնոսա՝ միանգամայն կենաց ազատարարք փայլել: Ինչպէս Ամսագրոյս Գ. թուոյն մէջ հրատարակած եմք, արդէն հոգեւոր և ծայրագոյն իշխանութեան կողմանէ: